



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Casim fontem ægrotus alloquitur.

urn:nbn:de:hbz:466:1-13534

Et pandit oris squalor ad superos uiam.
 Hæc illa squalens dira & infelix plaga.
 Cocytia fauces inexorabiles,
 Phlegethontis ignes, gurgitesq; Acherusij.
 Hæc tantalea sitis, iecurq; fœcundum,
 Et membra diri Ixionis torquens rota.
 Sed quid recensens plura in immensum trahor?
 Sumus hic tot Inferi, quot homines uiuimus,
 Suusq; quisq; dirus est erebus sibi.
 Nobis amores, & libido pectoris,
 Et una non unius obstetrix mali,
 Humana facies, cuius ex oculis fluit
 Amor, odium, pax, ira, spes, metus simul,
 Et quas gerit cruenta Tisiphone faces.

CASIM FONTEM AEGRO=
 TVS ALLOQUITVR.

Vra tuis qui nostra rigis humentia lymphis
 Quam procul hei misero nūc mihi Casis abes.
 Tu nunc muscosa placidus sub rupe uagris,
 Redditur & fluxu lenior aura tuo.
 Altaq; prætexit uirides tibi populus umbras,
 Et mille in folijs duce queruntur aues.
 At me nunc tristi fessum Campania morbo
 Detinet, & uenas urit anhela sitis.
 Nec prodest uiridi toties te ornasse corona,
 Cinxisse & capiti plurima ferta tuo.
 Nec prodest dulcis toties cecinisse querelas,
 Numinis & causas edocuisse tui.

d ii

AMORVM.

Nanq; dies aderat, sceptrum quo cepit olympi
Iuppiter, hoc diuis prandia lecta dabat.
Tum puer Idaeus, dum pocula grata ministrat,
spectaturq; suo digna rapina Ioue,
Atq; inter mensasq; deum laudesq; superbit,
Et tanto facies conscientia teste placet,
Incautus labente gradu Carchesia fudit,
multus & e patera fluxit hiante liquor,
Qui praeceps summa coeli de parte uolutus
In terras larga constitit uber aqua,
Ad quæ surridens genitor, monumenta manebunt
Certa puer, casum testificata tuum.
Amnis erit, qua nunc grati effluxere liquores.
Casis erit fonti nomen honosq; tuo.
Oscula tum puero raptim libauit. at illi
Fulgit sydereus sparsa per ora color.
Has ego blanditias memini cantare solebam,
Fusis ad herbose fluxile murmur aquæ.
At tu longinquos nimium summotus ad Umbros
Aoniam nunc es immemor ipse lyræ.
Nec mihi nunc solito prebes de margine riuos.
Arida nec suetus temperatora liquor.
solaq; languentis sensus mihi restat imago,
Cum mens furtuas ægra requirit aquas.
Interdum somno dulcis haurire liquores,
Et madido uideor pellere ab ore fitim.
Hæc mihi dat somnus solatia, dum canis ardet,
Et graue siccatus sydus hiulcat agros.
At uos Pierides uestro suauerrite nati.
Profuerit fontes sape bibisse sacros.

Vos mihi Persephonen canticu placite, moueri
Nanq; potest, mouit Bistonis ante lyra.

LA VDES CASIS FONTIS.

c Asis Hamadryadum furtis iucunde minister.
Et cupidis rupes semper amica deis,
Ad quem sepe sui linquens secreta Lycae
Pan egit medios sole calente dies,
Mænaliōq; tuos impleuit carmine montes,
Et septem cœnit fistula blanda modos.
Cum passim iunctæq; manus, et brachia nexæ
Ducebant placidos Naides ante choros,
Carpebantq; hilares iuxta virgulta capellæ,
Hædus et in molli subsiliebat humo.
Quin etiam defessa iugis siquando Diana
Egit præcipites per cana saxa feras,
Hic posuitq; latus, viridiq; in margine sedit,
Et uitreo flauas lauit in amne comas.
Te Bacchus, te Phœbus amant, tibi carmina nymphæ
Dulce canunt. tibi se comit amata Dryas.
Pelignosq; suos siquando et rura relinquit
Lassa subit fonti Calliopea tuo,
Et lenem querula carpit sub fronde quietem,
Qua cadit arguto murmure lymphæ fugax.

AD PI V M II Pont. Max.

s Ictua Pæonijs uincantur tædia succis,
Phœbeæq; leuent languida membra manus.

d iiiij